

Chimborazo - Quillcachishca - Protection Scriptures

Jeremías 1:18 Cunan punllatajmi, cantaca muyundijta jatun pircayuj pueblota shina, fierro pilarta shina, bronce patata shina pi mana cuyuchipaj cachun churani. Cai Judá llajtapi causajcunaca quiqintaca, jatun mandajcuna cashpapish, paicuna churashca mandajcuna cashpapish, curacuna cashpapish, tucui cai llajtapi causajcuna cashpapish, mana imata rurai tucungachu.

Ezequiel 3:18 Ñucaca, ñucata mana manchaj runataca: Huañunami cangui nimanchari. Chaitaca paimanmi yachaj chayachina cangui. Ñucata mana manchaj runa millaita ruranata saquishpa causita charichun, can mana huillajpica, millaita rurashcamantami huañunga. Pai huañujpica, cambaj jahuami canga.

Jeremías 6:27 Cantaca, ñuca agllashcacunapajca miticuna jatun torre shina sinchi cachunmi churarcani. Canllataj paicuna ima shina yuyajta, ima shina causajtaca callarishpami ricungui.

Levítico 26:19 Rumi shungu jatun tucushcataca chingachishami. Cancunapaj cielotapish fierro shinatami rurasha. Cancunapaj allpatapish bronce shinatami rurasha.

Deuteronomio 23:5 Chashna cajpipish Mandaj Dios cancunapaj Taita Diosca Balaam imata nishcata mana uyashpami llaqui tucushcataca canman nishca canataca Mandaj Dios cancunapaj Taita Diosca alli cashca cachun nishca canaman tigrachirca. Mandaj Dios cancunapaj Taita Diosca cancunata c'uyashcamantami chashna rurarca.

Romanos 12:21 Millai mishashca ama caichu, ashtahuanpish millaitaca allihuan mishai.

Salmos 143:8,10 Quiquin ñucata llaquishcataca tutamantaman yachaj chayachiyari. Quiquinpimari ñuca shunguta churarcani. Ñuca maillata rina ñanta ricuchihuayari. Ñuca tucui ima yuyashcataca quiquinmanmari huillani. 10 Quiquinca ñuca Taita Diosmi cangui. Quiquinpaj munaita ruranata yachachihuayari. Quiquinpaj alli Espiritullataj ñucataca ima pandata mana rurajcunapaj llajtaman pushachun.

Salmos 94:12 Mandaj Dioslla, quiquin cunashca runaca cushijllamari. Quiquinpaj mandashcata yachachishca runaca cushijllamari.

Proverbios 27:12 Alli yuyaiyuj runaca, ima llaqui japina cajpica anchurinmi. Ashtahuanpish yachai illajcunaca, quiquin chaquihuan llaquipi yaicunllami.

Filipenses 2:16 Ñuca purishca, ñuca trabajashca ama yanga cachun. Cristo

shamui punllapi ñuca cusicungapaj, causaipaj shimita chariraichij.

Isaías 49:4 Ashtahanpish ñucaca: "Yallitajmi trabajashcani. Ashtahanpish yangalla imata mana japingapajmi trabajashcani. Ñuca fuerzapish tucurishcami" yuyarcanimi. Shina cajpipish ñuca trabajashcaca Mandaj Diospimi. Ñuca japina cashcaca ñuca Taita Dioshuanmi.

Salmos 76:3 Chaipimi paita p'iñajcunapaj arcopi caj puntajlla caspicunataca p'aquirca. Escudotapish, espadatapish, macanacunacunatapishmi p'aquirca. Selah

Hebreos 13:21 Tucui imatapish pai munashca shina allita rurajcuna cachunca, Diosllataj concunataca yachachichun. Jesucristomantami tucui concunataca paillataj pai munashca shinata rurachicun. Pai Jesucristotaca huiñai huiñaita jatunyachishca cachun. Chashna cachun.

1 Corintios 16:15 Huauquicuna, Acaya llajtapi Estefanas paj familia cuna punta crijcuna cashcata, paicunaca jucha illajcunapajta ruranapaj curishca cashcatapish ña yachanguichijmi.

Filipenses 1:27 Cancunataca Cristopaj alli huillaipi nishca shinataj purichunllami rogori. Ricunaman rijipish, mana rijipish shujlla Espiritupi sinchiyarishpa, alli huillaita crishcapi shuj shinalla macanacucujtami uyasha nini.

1 Corintios 15:58 Chashna cajpica ñuca c'uyashca huauquicuna, Mandaj Jesuspajta ruranapi huiñashpa, sinchiyashpa, pi mana cuyuchipaj catiraichij. Cancuna Mandaj Jesuspi shujlla tucushpaj paipajta trabajashca mana yanga cashcataca yachanguichijmi.

Colosenses 4:12 Cancunapuramanta Cristopajta ruraj Epafraspish, alli cashca cachun ninmi. Paica cancuna tucuipi Taita Dios munashca shina pajtachijcuna, allicunataj, sinchicuna cachunmi Diosta pai mañanapica, mana shaicushpa rogarunlla.

2 Reyes 19:34 Ñuca quiquinllataj c'uyashcamanta, ñucapajta ruraj Davidta c'uyashcamanta, cai pueblo ama chingarichunca ñucami huaquichisha ninmi" nircami.

Jeremías 15:20,21 Chashna rurajpica cai runacunapaj ñaupajpica, jatun bronce patata shinami churasha. Canhuan chimbapurangapaj shayarishpapish, manataj mishangacunachu. Canta cuidangapaj, mitsangapajca ñucatajmi canhuan casha. Ñuca, Mandaj Diostajmi chashna nini. 21 C'ari c'ari millai runacunapaj maquimantapish quishpichishpa huaquichishallami" nircami.

Salmos 55:18 Ñucata p'iñajcunahuan macanacuipica paimari sumaj causaihuan quishpichinga. Ñucata p'iñajcuna achcacuna cajpipish paimari quishpichinga.

Ezequiel 30:24 Ashtahanpish Babilonia llajtata jatun mandajpaj

rigracunatarajmi sinchiyachishpa, ñuca espadataca paipaj maquipi lutsachisha. Chai espadahuanmi faraonpaj rigracunataca p'aquinga. Chashna chugririshpa huañucushpami, paipaj ñaupajpica manchanayajta huacanga.

Apocalipsis 3:18 Chaimantami cantaca cashna cunani. Charij casha nishpaca, ninapi rupachishca ima mapa illaj curita ñucaman randiyari. Cambaj lluchulla pinganayaj aichata taparingapajpish yurajlla churanata ñucaman randishpa churariyari. Ñahuicuna alli ricuchunpish ñahui jambita ñucaman randishpa churariyari.

1 Juan 3:17 Ashtahanpish cai pachapaj charinacunata charishpapish, maijan huauqui ima illajlla cajta ricushpapish, paipaj shungupi mitsashpa mana cujca, Diospaj c'uyaitaca mana charinchu.

Isaías 50:4 Shaicushcacunata sumaj shemicunahuan samachichunca Mandaj Jatun Diosca ñucamanca yachaisapacunapaj c'allutami curca. Tucui tutamantacunami ñucataca rijchachin. Yachacuj shina uyachunmi ñuca rinrintapish rijchachin.

Salmos 18:39 Jatun macanacuipi macanacuchunpish fuerzatami chumbillichishcangu. Ñucata p'iñajcunataca cumurichishpami ñuca maquipi churashcangu.

2 Samuel 22:40 Jatun macanacuipi macanacuchunpish, fuerzatami chumbillichishcangu. Ñucata p'iñajcunataca, cumurichishpami ñuca maquipi churashcangu.

Salmos 89:43 Paipaj espadataca, filo illajtami rurashcangu. Pai macanacugrijpipish, mana fuerzata cushcanguichu.

Ezequiel 13:6 Paicunaca yanga muscuicunallatami ricurcacuna, adivinashpallami llullashpa huillarcacuna. Paicunaca: Mandaj Diosmi chashna nin nishpami huillarcacuna. Mandaj Diosca manapish paicunataca cacharcachu. Shina cajpipish, paicunaca tucui imalla huillashcacunata Diosllataj pajtachichunmi shuyancuna.

Levítico 26:37 Pipish mana caticujpimi, jatun macanacuimanta miticushpa ricuj shina rishpa caishuj chaishuj huajtarinacunguichij. Chashna cashcamantaca concunata p'iñajcunahuancarin manataj macanacui tucunguichijchu.

1 Corintios 14:8 Macanacuiman rinataj shina tono trompetapi mana uyarijpica ¿pitaj macanacunapajca allichiringari?

Job 15:24 Llaquicunapish, huacaicunapish muspachingami. Paita llaquichinamanca, jatun mandaj macanacungapaj allichirishca shinami shamungacuna.

1 Crónicas 12:8 Gad aillumantapish taucacunami David miticushpa tiyacun shitashcapi caj peña jutcumana rircacuna. Chai runacunaca

macanacunata alli yachaj, c'ari c'ari runacuna escudohuanpish, lanzahuanpish alli macanacucunami carca. Paicunapaj ñahuicunaca leoncunapaj ñahui shinami carca. Urcucunapi purij tarugacuna shina yallitaj callpajcunami carca.

- 1 Crónicas 12:33,38 Zabulón aillumantaca, 50.000 soldadocunami shamurcacuna. Paicunaca macanacunapaj allichirishcacuna, tucui laya macanacunata apashcacuna, ima shujtajta mana yuyashpa macanacuna yuyaillami shamurcacuna. 38 Macanacunata yachaj tucui chai runacunami macanacunapaj allichirishcacuna tucuicuna shuj yuyailla Davidta israelcunata jatun mandaj cachun churangapaj Hebronman shamurcacuna. Tucui caishuj israelcunapish jatun mandaj cachun Davidta churangapajca, shuj yuyaillami carcacuna.

Lucas 10:19 Cancunamanca culebracunata, escorpioncunata saruna poderta, p'iñaj diablota cazuchina podertami cuni. Chaimanta cancunataca imata mana rurai tucungachu.

- 2 Corintios 7:10 Diosmanta shamuj llaquica mana allita ruracushcata saquishpa paiman cutirishpa quishpirishcapi ashtahuan alli tucunapajmi shamun. Chaimantaca mana imata llaquirinachu, ashtahuanpish cai pachamanta llaquimi, huañuiman pushan.

- 2 Timoteo 2:25,26 Can huillashcata mana allichu nijcunapish, mana llullata rijsingapaj Diosman cutirichun Dios yuyaita cuna cashca yuyaihuan manso shunguhuan yuyachingui. 26 Diablo paipaj munaita rurachishpa, paipaj linchipi prezu charicujmanta llujshichun chashna yuyachingui.

Nehemías 4:15 Ñucanchijta p'iñajcunaca paicuna ñucanchijta llaquichingapaj yuyarinacushcata ñucanchij yachaj chayashcatami paicunapish yachaj chayarcacuna. Taita Diospish paicuna yuyarinacushcata yangapi churashcatapishmi paicunaca yachaj chayarcacuna. Chaimi ñucanchijca maillapi pircacushcaman tucuicuna tigrarcanchij.

Salmos 73:24 Ñucataca quiquin cunashcahuanmari pushahuarcangu. Q'üpataca quiquin sumaj cashcapimari chasquihuangu.